




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2338/A/2








Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2338/A/2





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2338/A/2



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2338/A/2

(2)  
2338/A/2



111. 20. 3. 2. 2.

3. 8. 2. 10. 1. 10. 10.



ff. 110.  
~~ff. 109.~~ 110

Canon 2<sup>e</sup> Jean Lyg<sup>e</sup> E  
XXVI.  
~~D. XIII~~ 47



41559  
ORATIONES

DVÆ, QVÆRVM

PRIOR EST DE NATVRA FEBRIS PETICVLARIS EIVSQUE CVRATIONE: posterior de studijs Chymicis coniungendis cum Hippocraticis; habitæ in Auditorio Medicorum Colonienfi

AB

HERMANNO FOLLINO  
PHIL. ET MED. DOCTORE & Professore.

*Inuidia Comes virtutis.*



COLONIÆ AGRIPPINÆ,  
Apud Gerhardum Grenenbruch.  
ANNO M.DC.XXII.





NOV  
1872

D. 10

D. M  
Sarra

C  
Dignifi  
Ben

F

Quod

Quod

Lin

M

Nec


Sed

De

Com

Gran





NOBILISS. AMPLISS. ET  
Prudentissimis Viris & Do-  
minis

D. IOANNI A BOLANT,

*nec non*

D. MELCHIORI GAYL,  
Sacrae, inclytæ, & liberæ, Imperialis  
ciuitatis Coloniensis.

CONSULIBVS  
Dignissimis, Dominis, meis Gratos &  
Benignis ;

*Cum* ALGEBRA

Hasce duas ORATIONES  
Monumentum.

Quod debui Aureum, vel Marmoreum  
*Sed*

Quod valui pro tempore, quodq; habui  
pro facultate

Litterarium & chartaceum,

Mole paruum, vtilitate magnum,

Nec manu CAPIENTIS librandum

Sed animo TRIBVENTIS ponderandū,  
*In*

Debiti honoris Τεκμήριον.

Constantis obseruantiaε σύμβολον.

Grati animi Διδακτήριον,

*consecrat, dedicatq;*


HERMANNVS FOLLINVS.

Anno CIO. IOC. XXII.

A 2

BENI.





BENIGNE LE-  
ctor,

An secundum hic verbis  
opus est? non puto. Quæ  
dicere volui, in alio Prælo-  
quio dixi: Tu tantum no-  
stris laboribus frueri, vel si  
displiceant, sodes ignosce,  
si loquar

*Mors fauere decet prodesse volentibus, Ergo  
Carpere tu noli nostra, vel eade tua.*

MAGNI-





MAGNIFICE DOMINE  
RECTOR,

NOBILISSIMI, ET AM-  
PLISS. DOMINI CONSVLES, EX-  
cellentissimi, Expertissimi, Reuerendi, E-  
ximij, Consultissimi viri Doctores,  
Prudentissimi Senatores, Au-  
ditores deniq; Specta-  
tissimi.



**Q**UANDOQVAM non me-  
diocriter me perturbet in-  
solita perorandi consuetu-  
do, Nobilissimorum & gra-  
uissimorum auditorū, qui  
huc frequentes ad hanc so-  
lennitatem decorandam  
conuenerunt, conspectus longè amplissimus, lociq;  
maiestas in quo pedem fixi, ex quo nunc fugere  
turpe esset, vel oscitanter dicere ignominiosum,  
tamen si cogitem quod de morbo dicturus sim,  
quo ferè nihil ferocius, nihil monstrosius esse pos-  
sit, quodq; vestra humanitas, vestraq; beneuolen-  
tia erga me tanta sit, vt hodie non velut iudices  
mea declamationis, sed amici, imò veluti promo-  
tores huius quem consequar honoris, accesseritis,



non possum non denuo, omisso metu letari, & mihi de tanta felicitate gratulari, viresq, ad dicendum resumere. Etenim quis porcum Ehippio, vel Simiam purpura ornabit, vel matronam honestam meretricio cultu vestiet? Non singula singulis rebus conueniunt. Habet vnumquodque suum quo vult pingi colorem: habent res suam orationem, qua describi postulant. Alijs vocibus Philosophus, alijs Theologus, alijs Medicus utitur, quibus suas scientias explicant. Si igitur in exprimenda idea monstruosissimi morbi, quem Vngaricum à familiaritate regni, indigetent, non penicillo oratorio, pigmentuq, Rhetorices utar sed Medico, quod rem nude sensibus obijcit, haud vestrum quenquam futurum puto, qui propterea nos velit, vel possit merito reprehendere. Quid enim peccati committitur, si monstruosa febris, pro genio eiusdem monstruosa oratione deliniatur? De vestra omnium ergo me humanitate, affectu & beneuolentia dubitare qui possem, quarum fructus carpo hoc ipso tempore dulcissimos quo hac ipsa verba profero? Non itaque terribit me nomen Febris Pestilentis, ad quod plerique mortales toto animo & corpore solent perhorrescere, non ipse morbus sauosissimus humani generis hostis, non vestri generis nobilitas, auctoritas, experientia, quo minus differam de immani hac bellua, qua robustos & imbelles iuxta cruciat & trucidat. Alias de peste, qua instar Basilisci est, duos libros



bros scripsi : nunc de febre peticulari breuiter dicam, quæ ferocia, immanitate & horrore ad eandem proximè accedit, atque hoc ita faciam populari sermone, ut omnes Auditores, licet Medici non sint, tamen quid sit febris pestilens, & quomodo profligetur, aperte & plane possint intelligere, modo ad breue temporis interuallum me sua fauoris aura dignentur.

Ut pictores ingeniosissimi artifices, quando hominis, vel alterius cuiusdam animalis imaginem ad viuum capiunt exprimere, prius rude quoddam opus delineant eleganti natura imitatione, quæ semper ab imperfectis ad perfectæ solet progredi, & posterius vario colore variisque penicillis eandem perpoliunt, sic nos in Idea febris pestilentis exprimenda, prius ruditer eandem adumbrabimus, & tandem penicillo accuratiore perficiemus. Febris itaque pestilens meo iudicio nihil aliud videtur esse, quàm, ut cum Poëta loquar, monstrum horrendum, ingens, informe, quodd nec Pyraustam, Rhinocerotem, Vulturem, Leonem, Vulpem, Hircum, Cantharides, Cuculum, Lupum, Scorpionem, testudinem possis dicere, sed ex omnibus his bestijs feruq; compositum. Nunc non amplius loquatur de suis monstris Afer: sileat de sua bestia septem capitum Theologus: taceat fabulosus Poëta de suo tricipiti Cerbero: Nos Medici paullo

In Apoc.  
Ioan. c. 13.



maiora canimus, monstrum damus non fabulo-  
 sum, sed verum, non commentitium, sed natura-  
 le. Si quis ex arbore pyra discutiat, pyrum eam  
 esse negare non potest, si grossos colligat, ficum  
 esse admitte, quomodo tam caci esse possumus,  
 ut ex insidiis non vulpem, ex robore non Leo-  
 nem, ex tardo huius morbi motu testudinem  
 non agnoscamus? Merito Auditores, morbi fero-  
 cissimi genium cum belluis truculentis compa-  
 randū esse duximus. Quis Deum creatorem, quis  
 Angelos incorporeos, quis accidentia spiritus  
 capit, cognoscit, & intelligit, nisi per collationem  
 creaturae & corporum, à quibus species oriuntur,  
 quarum beneficio intelligimus? Ut enim visus  
 licet fuerit acutissimus, nequeat cernere nisi id  
 quod coloratum, lucidumq; existit; Sic intelle-  
 ctus noster non capit nisi corporum, vel quod sub  
 ratione corporis representatur. Nunc verò cum  
 virus istud, quo pestilens febris furit, non ex ele-  
 mentorum qualitatibus primis vel secundis, non  
 ex temperamentorum Harmonia proficiatur,  
 sed ex mixtorum formis ducat originem, cale-  
 stemq; naturam referat, quis non optimè factum  
 iudicat, quod vires morbi pestilentissimi, cum  
 truculentis bestiis comparauerimus? Geome-  
 tra non peccat, si docendi gratia, pro linea biped-  
 ali eiusdem portionem supposuerit: Mathema-  
 ticus extra reprehensionem est, si superficiem à  
 corpore consideratione sua abstraxerit, licet talis  
 nequeat existere: Physici hodie ingenio tam sub-  
 tili & perspicaci sunt, ut ficticis potentia viri-  
 bus,



bus, Deum extra mundi complexum praesentem  
 esse concipiant. ubi tamen nihil rei esse fatentur,  
 quare mihi Medico minorem fingendi, coniun-  
 gendi, diuidendiq; animo potestatem concedetur,  
 quamuis ita res sese integrè non habeant, ut pla-  
 nius & euidentius demonstrem naturam istius  
 ferae, quae totum orbem terrarum populatur?  
 Non enim in Hungaria solum regnat, licet mor-  
 bus Hungaricus vocetur, sed per Galliam passim,  
 Hispaniam, Germaniam, totamq; Europam, &  
 nostram quoq; Coloniam sauisimè debacchatur.  
 Nidum suū habet hoc monstrum in Hungaria,  
 quam ita amat, ut nullo tempore ab eius ample-  
 xibus possit auelli; nomenq; hinc habere caperit.  
 Sic Phthisis Lusitaniam, Bronchocele Sabaudiam  
 diuexat: Sic Struma Hispaniam, Hydrocele  
 Galliam deformat: sic Icterus Calabriam, Scor-  
 butus Hollandiam deuenustat: Sic Elephas mor-  
 bus, (ut cum Poeta loquar) qui propter flumina  
 Nili, gignitur Aegypto in mediā, neq; praeterea  
 usquam Atthide tentantur gressus: oculiq; in A-  
 chaeis, Finibus, & ut breuiter dicam, Vnaquaque  
 regio, domusq; suos patitur manes. Age verò si  
 membratim hoc portentum euisceres, si pictoris  
 instar monstrosam imaginem rudi pennillo ex-  
 hibitam, magis artificioso velis exprimere, luce  
 clarius Pyraustam, vulturem ceterasq; bestias,  
 quas modo nominavi, hic viuere conspicias. In-  
 comparabilis natura Doctor Aristoteles in Cypri  
 insula fornacibus ararijs, ubi Chalcitis lapis die-  
 bus pluribus crematur, ex Medio igni nasci tra-

Lucretius  
 lib. 6. de  
 Natura  
 rerum f.  
 229.

Lib. 5. de  
 Hist. Ani-  
 mal. c. 19.  
 Plinius li.  
 11. c. 36.



dit pennatum quadrupes quod Pyrausta dicitur. Hoc maioris Muscæ magnitudinis per ignem salit, ambulat, volat & quādiu est, in igne viuit: quū verò euasit longiore paullo volatu, tunc moritur. Si pisces in Oceano, in fluminibus, in elemēto humidissimo generentur, nolite mirari si quod animal velut Pyrausta, in igne elemento siccissimo uiuat & extra eum moriatur. Pyrausta noster morbus est: in igne consistit quicquid virium habet: extra ignē penitus languescit. Febris, n. qua vernaculā Præceptoris Hippocrati linguā πῶς est, ignea sua potestate salit in arterijs, palpitat in Thorace, volat in neruis. Quam diu morbus est in corpore, tādū miser homo febrit, quando autem febrile definit, nulla ipsam amplius stomachi flāma, nulla sitis Tantalea, nulla linguæ ariditas, scabrities, scissura, quæ ignis sunt testimonia, carnificant. Non enim Hippocrates tantum vel Galenus, vel vnus medicorū recentiorum Fernelius, Rondelilius vel Hollerius docet febrem esse calorem primigeniū qui commutatus est in igneum, sed oēs Medicorum Scholæ, oēs Academia. Quare si morbus Vngaricus est febris, vt effecta demonstrant, quæ paulo ante recitauimus, quis non videt animal hoc ex igne nasci? quis Pyraustā non agnoscit? Vulturem verò si in hoc morbo videre cupitis, agite & considerate mecū quodā, auctore Philosopho, hæc auis in excelsissimis rupib. nidificet vt hinc raro nidum pullosq. eius liceat cernere. An non similiter febris hæc pestilens ilico instar vulturis ad supremū tectum nostri corporis, puta

cere.

Sympto-  
mata.

Febris.

Sitis.

De Hist.  
Animal.  
lib. 6. c. 5.



cerebrum ascendit, & dolore ineffabili veluti suo Dolor ca-  
 pullo restatur, se ibidem sedē suam, nullumq. deli- pitis.  
 gere? Quoties. n. molestas agrotantiū querelas de  
 carnificina capitis audiuimus? quoties miseros  
 mortales inclementia morbi, mente motos fuisse  
 deprehēdimus? Alij de suis mercibus incompōsitē  
 garriebant: alij de vini corruptela & adultera-  
 tione veluti caupones loquebantur: de lūib. lu-  
 ru consultus multa effutiebat: De conflictu, stra-  
 tagematibus, bellicisq. machinis Miles erat sol-  
 licitus, deniq. quisq. de sua arte, quaestu, aut ge-  
 nere vitæ vigilās somniabat, vt rectē dixerit Poë-  
 ta Claudianus, Caussidicis lites: aurigę som- Deliriū.  
 nia currus. Atq. hac crux non vno aut altero die  
 tantūm perseuerabat, sed plures in dies proroga-  
 batur, atq. ad extremū morbi, vt meritō in  
 excelsa rupe viriū imbecillitas subitanea homi-  
 ni, vultur hic nidificasse appareat. Enimuerō fa-  
 cilius est in hoc medico monstro Leonē cognoscere,  
 qui velut Rex animalīū sua fortitudine & robore  
 cunctis antecellit. Exigua gloria est pueros eden-  
 tulos, adolēscētes imberbes, fœminas molles posse  
 prosterne, & imperio suo subiugare: at maioris  
 laudis & roboris est viros posse pedib. proterere,  
 non togatos tantūm, sed quos natura musculosos  
 effecit, quosq. mars aliquot annis exercuit. No-  
 ster Leo indifferēs est circa personas: non sexū, non  
 aetatem, non genus, non neruos magni aestimat: in-  
 trepido animo imbelles & robustos, generosos &  
 degeneres, plebeios & nobiles iuxta adoritur. In  
 quā dimicatione cogitare sedes quas vires oportet  
 expro-



Tremor  
artuū, ex  
Venero.

Fallacia.

expromere, quos lacertos intendere, ut magnanimo huic Leoni resistamus? Et quamuis Herculeo simus animo, quamuis robore Samsonico praediti, tamen primo congressu panopliam nostram qua vitam tueri volumus, lacerat frangitque, ut Medicus in subsidium pugna vocatus, ex repentina virium imbecillitate statim colligat, quod deplorandus ager cum Leone pestilenti pugnaverit. Si sani ab occursum tantum Leonis expauescamus, quo vultus? quibus viribus, futuri sumus ubi ex pugna cum Leone attriti decumbimus, ut nec genu, nec pes, nec manum praetrepore valeat officium facere? Utinam adhuc aperto Marte pugnaretur, quando in hanc arenam debemus descendere, non usque adeo ab hoste timendum esset: at ex insidiis vita petitur, non Leonis tantum robur, sed vulpis astutiam oportet pertimescere. Inducia ubi nobis concessa esse videntur, clam hostis bellam gerit: ubi nihil periculi esse videtur, ibi vitam ponimus. Romanos laudo, qui suos faciales ad bellum indicendum mittebant, antequam id susciperent: Odi artes Machiavellicas, quibus exclusa honestate, utilitatis tantum habetur ratio: detestor fraudes Mansfeldianas quibus fortuna, non datae fidei consulitur. Vis Leonis noxia est, sed vulpecula fraus capitalior. Etenim qua potest esse fraus maior quam pulsu, Urina & excrementis naturalibus, veluti induciarum testibus, omnia fausta ac salutaria polliceri, & interim clandestina vi hominem perimere? Hinc illa vox admirabilis Medici auditur:

Urina



Vrina bona, pulsus bonus & æger moritur ! At in Coacis prænotionibus hanc Vrinam Vrina laudabilis. qua citra rationem matura est, Opt. medendi præceptor malam esse pronuntiavit. Cognoscitis ergo Auditores, morbum hunc vulpem esse, quæ nullo negotio inexercitatos Medicos decipit, & miserum patientem clanculum trucidat. Vidi ego meo oculis puellam robustissimam triduo sublatam esse è medio, quàm nulla sitis, ardor, subversio stomachi, anxietas corporis, aliudque malum vexauerat, nisi levis dolor capitis, de quo apud domesticos conquesta fuerat. Maximum illud morbi testimonium est, repentina virium collapsio, quæ non posset fieri, nisi diuinum quid esset, quod vitæ insidias tendit. In cæteris morbis qui veneni sunt expertes, agrosantium vires sensim sine sensu atteruntur : in hoc malefico (mirabile dictu) quanta celeritate cadant, quanta vi præcipitentur. Id verò malum multò maximum est, quod non saturetur cruore vnius hominis quem dilaniat, sed instar lupi cuiusdam in familiares, consanguineos & proximum quemque crudeliter insiliat. Patet id quotidie ex densatis funeribus, quæ magno cum marore Contagiū. Resp. intuetur : id domus deserta testantur, liberi suis charissimis parentibus orbat, licet fari subinde non possint, tamen lacrymarum vbertate, vestiumque luctu loquuntur. Horresco adhuc totus, ubi obuersantur animo puero- rum, mulierum, & robustissimorum virorum cadauera, quæ pestilens malignaque lues conges-  
serat.



ferat, & auctoritas Amplissimi magistratus o-  
 lim nobis iudicanda cōmiserat. Lupus hic rapax  
 est, quem non emollit pietas, non infantium in-  
 nocentia, non muliebris sexus infirmitas, sed so-  
 lum sanguine placatur, non ouium sed homi-  
 num, non vnius sed plurium. Vnde qui cum mo-  
 deratione hunc lupum non timet, ille vel suæ vi-  
 tæ perosus est, vel mente captus ut non assequa-  
 tur ingens malum, quod multorum ceruici-  
 bus impendet. Optarem sanè ut nostri Colo-  
 nienses paullo plus metuerent, nec Rhenum  
 armaturam inexpugnabilem aduersus hanc fe-  
 ram existimarent, magisq; crederent medicis  
 de hac iudicantibus, non amitteret tot ciues e-  
 gregios Resp. quos hoc monstro dilaniatos indies  
 intelligimus. Caueant sibi ne eandem canti-  
 lenam quam olim Ampliſſ. Consul Syluadu-  
 censis suis ciuibus occinuit, cum fidem mihi  
 Medico derogarent, iudicanti morbum esse pe-  
 stilentiam, diuina castigatione docerentur: Di-  
 scite mortales moniti, non temnere Di-  
 uos: necessum sit ipsis audire, quando incre-  
 duli, sicuti nuper in foro fanario contigit, pluri-  
 morum morte veritatem addiscunt. Multas fe-  
 ras veluti Pyraustam, Vulturem, Leonem, Vul-  
 pem, lupum, commemoravi ex quibus monstrum  
 componitur, non tamen adhuc omnes persecutus  
 sum. Videor. n. mihi obseruare quod adhuc sit  
 Rhinoceros, Canis, Hircus, Cantharis, Cuculus,  
 Sanguisuga, testudo, deniq; Scorpio terrestris,  
 quæ non minùs id de quo loquer monstrum con-  
 stituunt



flituunt, quam animalia quae prius recensui. Si  
 ad aluinam corporis regionem oculos conuertamus,  
 quis hic Rhinocerotem non agnoscit, qui Profluuiū  
alui.  
 semper in conflictu istam partem animalium im-  
 petit, quàm forsitan ad vitam tuendā conseruā-  
 damq; valde necessariam esse arbitratur? Pax sit  
 auribus, Auditores, si oratio nostra ad faces alui,  
 ad excrementa corporis deuoluatur, quae non a-  
 crimonia mellis, non copia recentis musti, non cy-  
 doniorum pomorum astrictio exturbat foras, sed  
 virus perniciosum in hoc morbo pro-ulsat & eli-  
 minat. Etenim non tam crasso oportet esset in-  
 genio ut cogitemus alui profluuium magis pro-  
 desse quàm obesse, plus ad salutem quàm ad in-  
 teritum facere. Pax non est, ubi bellum geritur:  
 amicus non est, qui alium vult interficere: ho-  
 stis est qui ciuitate proprios ciues & incolas ex-  
 terminat. Certè non secus hic agitur, quàm  
 si ciuitas ab hoste occuparetur, armis res tan-  
 tùm gereretur, pro aris ac focis pugnaretur,  
 denique sanguis non sine horrore profundere-  
 tur. Excrementa enim incolas, sanguinem verò Hæmor-  
ragia Na-  
rium 7.  
 necum proculdubio ciuem legitimum corporis  
 esse iudicabitis: at hic sæpè leniter per na-  
 res veluti per vnā portatū stillat, sæpè i-  
 nitio morbi liberaliter plenaque manu quasi  
 cætera ciuium per eandem ruit: sæpè per al-  
 uum profluuiū dysenterico cum torminibus, & Dysente-  
ria.  
 carnificinā immani, profluit. Sanguisugam mor-  
 bum hunc dicere, non reformidauerim. Ex audi-  
 tu vel lectione non habeo, quae commemoro. Vnde  
 sed



Excremē-  
ta foetida.  
Sudor,  
Stercus,  
Vrina.

sed recenter miserando spectaculo interfui, dum  
famulus aurige cuiusdam, iuuenis florente a-  
tate, in hac ipsa ciuitate vehementia morbi a-  
liquot libras sanguinis ē naribus consentiente o-  
mnium qui adfuerunt iudicio, effuderit. Ex  
incolarum habitu, moribus & conditione, quos  
ante excrementa esse diximus, quis Mephritim  
non percipit? quis non exclamat, hircus sunt o-  
mnia plena? Oculos claudamus, nos ipsi sine  
Catulli alicuius indicio, sudoris miram graueo-  
lentiam, solum ventris intolerabilem putore-  
rem, Vrinae iugratissimum odorem percipiemus.  
Non tamen ea sunt omnia, sed certius veneni  
argumentum est, quod hircus sudans, statim  
ab ortu suo se mirum in modum moueat, saliat,  
& exulter non sine spectantis Medici admira-  
tione futurique mali presagio. Vt enim auspi-  
ces ex auium diuerso volu, Nescio, quid boni  
vel sinistri ominentur, sic Medicus ex Ephemer-  
idibus Coacis Hippocratis, Exsudantes, inca-  
lescentes malum esse pronuntiat. Infelix  
quippe excretio est, quae naturam onerat, non  
leuat: malum est vnde natura turbatur, non  
promouetur. Quod si solidus nosset hircus depo-  
nat ab initio suae originis, ventris vniat, liquidum:  
viride, liuidum, pingue & spumofum, quis huic  
Alexipharmaco opus esse inficiabitur? Quis ad-  
ed Philosophiae imperitus est, vt ilico non colligat  
tantam putredinem nisi venefica vis comes exi-  
steret, à febricula, tam breui temporis inter-  
uallo, non posse sobolescere? Ex Vrinis, exerci-  
tatus



tatus Vroscopus non tantum magnitudinem putredinis sed ineffabilis veneni perniciem colligit. Laudabilis enim Vrina, si febris, sitis, dolor capitis, Cardialgia, virium collapsio, vel aliorum prauorum symptomatum syndrome praesens fuerit, liquidum venenum quasi intento digito demonstrat: tenuis & cruda in principio febricula, facultatum corpus humanum gubernantium imbecillitatem arguit: crassa & turbida maximam putrefactionem, ebullitionem, commotionem humorum, naturaeque impotentiam significat, quae nequit separare crassum a tenui, humores continere & conficere. Quare si cocta subito fuerit, grauius malum, si rubea vel in superficie quid aeruginis contineat, perniciosam vim, si feteat, hircumque oleat, putredinem portendit. Ex hac humorum ebullitione instar ollae cuiusdam aqua feruida plena, miser homo in Caninos mores degenerat. Cui eructare turpe erat, eum iam non pudet palam vomendi desiderium ostendere, vel in conspectu familiarium, consanguineorum, & grauissimorum virorum vomere cibos vel putredinem vel pharmacum redolentes, quibus lectum saepiusque totum cubiculum implet. Si enim halitus pestilens os ventriculi feriat, nausea, cibi fastidium procreatur: si corpus eius attingat, vomitus sine dubio subsequitur. Vt in Oceano fluctus fluctum trudit, ita in hoc morborum monstro vnum ex altero nascitur. Etenim quis Cantharidum vim non agnoscit, ubi hypogastrium inci-

Nausea.  
Vomitus.

Vrinae retentione.

B

pit



Morsus  
pulicares.

Lib. 6. Hi-  
stor. Ani-  
mal. c. 7.

pit aqua tumescere, quando vesica aurā pestilen-  
tem ex humorum agitatione sensit? Retinetur v-  
rina loco suo conclusa & malum malo cumulat,  
ardoremq; agrotanti excitat quasi misellus ebi-  
bisset Cantharidum puluerem, quæ parti nomi-  
nata sunt exitio. O quot laquei sunt vitæ finien-  
de, quæ suapte ingenio brevis existit! Si quis porro  
stigmata oculis perlustret quæ in thorace, dorso,  
cæterisq; corporis partibus apparent, non secus æ-  
ger in hoc morbo, quàm Cuculus punctis distin-  
guitur. Parum erat tot mala pati, tot casibus ob-  
noxium esse vnum hominem, nisi pariter accede-  
rent myriades stigmatum, quæ & multitudine  
& colore nunc sanguineo, nunc liuido, nunc nigro  
sanos & astantem percellerent. Multitudo enim  
macularum, copiam veneni, color autem ferita-  
tem ipsius demonstrat. Mater vbi videt liberos  
suos de vita periclitari, accurrit anxia, dexte-  
ram porrigit, omnemque noxiam repellit, quis  
naturam veluti parentem sollicitum non obser-  
uat, nobis in discrimine vitæ versantibus opitula-  
ri, vitæq; hostem omnibus modis repellere non ex-  
spectata temporis commoditate, qua id post hu-  
morum coctionem securè possit perficere? Ma-  
lum non dat inducias vbi in corpore receptum  
est: sæpè tertio vel quarto die id conatur extru-  
dere natura, quæ crudelitatem hostis examinat,  
sæpè nono vel undecimo ob humorum crassitiem  
in quibus virus stabulatur. Si igitur malicia  
humoris, ebullitio, & copia facultatem ad ex-  
cretionem stimulent, merito terret nos hic Cu-  
culus



culus qui velut infelix avis infortunium nobis  
 auguratur. Enimuero sicut ex repentina ma-  
 cularum excretionem, feritatem & crudelita-  
 tem mali nos laceffentis intelligimus, sic ex ve-  
 teri huius Cuculi cantilena, ex pristino morbi  
 insultu & conflictu cum natura, docemur ho-  
 stem adhuc non eiectum esse corpore, sed eij-  
 ciendum, copias aliquas levis armaturæ dissi-  
 patos esse, cuneos vero militum, aciemque robu-  
 stiolem loco suo consistere. Secus vero hic ac-  
 cidit, quam in alijs pralijs vbi vnica hora v-  
 no vnico temporis momento victoria paratur,  
 hostiumque, vires ex tempore ruunt caduntque: Crisis nul-  
la,  
 hic autem propter veneni gentium, quod coctione  
 non corrigitur, sensim ac lente morbus elangu-  
 escit, vt Testudinem ob id nominare mihi pla-  
 cuerit. In febribus malignis nunquam ego cri-  
 sin salutare, perfectamque nunquam experi-  
 entissimus Doctor Mercatus, Hispaniarum Regis  
 Archiater, nunquam Excellentiss. Vir Clariss. Doct.  
 & Professor Holsternius, & Decanus nosler Am-  
 pliss. quem honoris ergo nomine obseruauit, quan-  
 quam non vnum aut alterum, agrotum sed ferè qua-  
 dringentos diuina sua arte ab hoc pernicioso morbo,  
 vindicauerit, & sanitati pristina restituerit. Non  
 dubito nunc (Auditores Ornatiss.) quin monstrum  
 hoc ex partium suarum declaratione facile co-  
 gnoscitis: at hesitabitis adhuc, vbi nascitur? quis  
 parēs sœtus tam prodigiosi? Ex quo semine imma-  
 nis hac fera gignatur? Dicam vobis, sed tribus ver-  
 bis: Proles est Scorpionis terrestris: qua cum  
B 2 dixi.



Hist. lib. 5.  
de Hist.  
Animal. c.  
26.

dixi, omnia dixisse mihi videor. Si fœtus parentibus similis sit, Scorpio noster morbus est: si terrestris sit, corpus nostrum illa terra est in qua gignitur: si proles sit Scorpionis terrestris, parentem suum cui vitam debet, infanda scœuitia interficit. Nos parentes morbi sumus & ab eodem deuoramus: Ex sanguine nostro ducit fera originem, & vitæ finem nobis imponit. In nobis tanquam in vtero materno concipitur, fouetur, nascitur, & veluti Nero quidam matrem suam occidit. Oritur magis in pueris, iuuenibus, adolescentibus quàm in senibus: nascitur potius in calido & humido temperamento quàm reliquis: gignitur frequentius in obesis pinguibusquæ, quàm gracilibus, in regione potius calida & humida, vere potius quàm æstate, utpote quæ maiorem putrilaginem procreat, denique in densis potius quam rara textura corporibus, ob quotidiana salginis effluuium retentum, quod necessitate quadam debet putrescere, Semen immanis belluæ sanguis noster est, sed putrefactus in venis maioribus corporis, non semper solus, sed sæpè cum alijs humoribus, bile, pituita & melancholia commixtus, quamuis præcipua materies vitiosi apparatus sanguis existat. Mirabimini forsitan hoc monstrum venenatum in nobis nasci, ex nostro sanguine originem ducere: at si perpendatur, quod Doctiss. Hollerius Scorpionem in cerebro hominis natum viderit, quod vngues excrementa nostri corporis assumpta, nos haud secus per-

tur-

Lib. 5. c.  
17.



turbent quàm infame Antimonium, quodque menstruum mulieris, iudicio Doctissimi Mercurialis, coeuntem febre pestilenti contaminet, omnem admirationem estis deponituri. Aer enim semipestilens, quem vel liberior aura non verberavit, vel quem siderum maleficorum conspectus fluxus aliorumque causarum concursio generat, humores nostri corporis ex esu alimentorum pravorum natos veluti parens pernicioso halitu imprægnat, fouet, animatq; ut gignatur monstrum quod ab ignea vi Pyraustam, à capitis obsessu Vulturem, à robore Leonem, à fallacia vulpem, ab alui ruina Rhinocerotem, à vomitu Canem, à satore Hircum, à crudelitate & contagio Lupum, à vesicae læsione Cantharides, à stigmatibus Cuculam, à tarda morbi solutione Testudinem, deniq; ab ore ipsius Prolem terrestris Scorpionis indiget animus.

Ita delineauimus vobis monstrum, Auditores Nobiliss. & Ampliss. cuius Herculem veluti domitorem eius in altera Orationis meæ parte quantà possem breuitate subijciam.

Medicus ergo exercitatus ad domandam hanc belluam, verus Hercules est, qui tribus armorum generibus Dieta, Pharmacia, & Chirurgia, atrocissimam feram domat: domitam finibus corporis expellit: Expulsam cohibet ne infiniti mortales repentina internecione deleantur. Si putredo & venenata vis, coniunctis viribus in morbo pestilenti dominantur, cum iuxta celebratissimum Medicorum axioma, contraria



contrarijs curentur, nemo Physicarum rerum  
tām imperitus est, quin statim colligat aërem fri-  
gidum & siccum esse oportere, putredinis gra-  
tia quam calido humidoque fieri Philosophorum  
decretis manifestum est. Venenum verò sicut  
diuiniore est originis, sic caulestem magis vim  
requirit, quā coerceri & superari debet. Sed v-  
bi talem quaremus, licet cubiculum fuerit ad a-  
quilonem, si cœlum pluat, si continuus imber  
descendat, veluti elapsis mensibus cōtigit? Si  
natura deficiat sit ars subsidio: excludatur ho-  
minum frequentia: sternatur pavimentum fo-  
lyis violarum, rosarum, vitis, salicis: poma au-  
rantia, citriaque collocentur: aquā lauendula,  
rosarum, vel aceto alijsque odoriferis aër casti-  
getur.

Si vigilia sint immoderata, frontalia ex vn-  
guento propuleonis ex paucis opio & croco præ-  
scribentur: lotiones manibus pedibusque adhi-  
beantur ex papauere albo, nymphaea, lactuca cæ-  
terisque soporiferis; emulsio seminis melonis,  
papaueris albi, cum speciebus diamargariti frigi-  
di in vsum ducatur. Somnus quoque non sit nimis  
præsertim inualecente veneno, quod beneficio  
huius intro ad viscera contendit. A motu corpo-  
ris pax sit: ab omni perturbatione animi requies:  
mens esto hilaris, esto quæta. Multi sæpè per-  
uenirent ad salutem nisi desperatione adacti, o-  
mnem spem vitæ ante tempus deponerent. Val-  
de nocet omnis repletio, omnisque immodica exi-  
manitio: prodest alui soluti, quæ si sponte non suc-  
cedat,



cedat, ea balano vel communi clystere procure-  
 tur. Aperta sunt quæ dixi, sed magis obscura quæ  
 de potu ciboque agrotantium tractantur, utpote  
 num vinum in his febribus concedere oporteat?  
 Scio, Auditores, quod si hodie vos iudices huius  
 questionis fecerim, proculdubio magnam par-  
 tem fore, quæ statim iudicabit ex virium re-  
 pentinâ imbecillitate, ex febricula blando ca-  
 lore, Mosellanum propinandum esse, ne vires  
 penitus cadant & supersites conseruentur: at  
 ego vino abstinendum esse existimo, maximè  
 in principio morbi, licet haud ferox esse videat-  
 ur. Quid vulturi alas vultis addere, ut men-  
 tem magis commoueat? quid vehiculum sup-  
 peditatis quo virus citius ad regionem cordis  
 deducatur? Quid flammam flammæ adiicitis  
 & Pyraustam noxium fouetis & alitis? Ne  
 tamen crudelis habear, facile haustulum vini  
 Olygophori ad vires recuperandas in progres-  
 su morbi concesserim, nisi ipsa Syncope à  
 magnitudine febris oriretur. Præstat aquam  
 acetosæ stillatitiam, poscam, aquam hordei  
 cum modico succo granatorum, Iulep rosatum  
 cum aqua acetosæ, vel aquam hordei si vehe-  
 menter sitis vrgeat, vel D. Ludouici Mercati  
 consilio, aquam nitidissimam in qua aurum  
 candens sæpius sit extinctum, bibere. Ad ci-  
 bum quod attinet, illa verior sententia est, ut  
 inter multum & paucum ambigat. Cum for-  
 ti Leone pugnatum est: collapsæ sunt vires: ca-  
 lor reliquus tam valens esse nequit ut multos  
 cibos

Gal. 12.  
 Methodo  
 med. pro-  
 hibet.



2. Aph. 10. cibos conficiat. Corpora quoque horum agrotantium impura sunt, quae quanto magis nutris, tanto magis laedis: Cibus enim interno inquinamento vitiat, auget morbi fomitem, & dominium ipseus amplificat. Paucus verò cibus, docente Aëtio ex Herodoto, prauitatem humorum exasperat, quam ciborum attemperatione demulcere oportet. Si igitur vitellos ouorum cum modico aceto, Omphacio, vel succo curij aut arantij, si consummata in aqua acetosa, cardui benedicti, pullos gallinarum, pisces Saxatiles cum succo granatorum exhibueris, certè putredinem imminues, agrotantem rescies, & venenatam vim castigabis. Enimvero hæc diætetica panoplia non est sola hosti grauissimo opponenda: cultris præterea opus est, sanguis effundendus, iugulanda est bestia antequam nos iugulet. Etenim si maculae non appareant, si pericula adhuc delitescant quibus trepidant nonnihil Medici, quis non concludat sanguinem esse mittendum nisi vires obstituerint? Morbus in putridarum febrium censu est, Sanguis maximè veneni vehiculum, obstructio tollenda, ventilatio promouenda, portio sanguinis excludenda, ne totus sanguis, optimus vitæ thesaurus maleficæ vi contaminetur.

Lib. II. de methodo Med. Certissimus medendi Dux Galenus indifferenter in putridis febribus venam aperiri præcipit: Auenzoar inter Arabes Medicus iactat sanguinis missione se plurimos laborantes hac febre curasse: Doctiss. Mercurialis, Experientissimus Mer-



Mercatus, Clariss. Rondeletius consentiunt. Non  
 tamen quouis tempore, & in quacumq; corporis  
 parte indiscriminatum celebranda est venæ se-  
 ctio, sed delectus temporis lociq; habendus est,  
 neq; tantum sanguinis educi debet, ut vitam sed  
 morbum tollas. In summis celi caloribus quando  
 Canicula fulget sobriè admodum vel omnino  
 nihil sanguinis extrahendum est. Quod Gale-  
 num Principem medicinæ docuisse, memini  
 ad Glauconem me legere. Quis quoq; in febre  
 pestilenti, post morbi principium quando corpo-  
 ris putredo inualuit, viresq; diminutæ sunt,  
 tam audax Medicus erit, ut contra Hippocra-  
 tem, qui in Critone curando abstinuit à venæ se-  
 ctione, quia referente Galeno initio non fuit ac-  
 cersitus, audeat Phlebotomiam exercere? Quis  
 quoq; in peticulari morbo, licet sit morbi initi-  
 um, licet vires constent, tantam copiam sangui-  
 nis ausus esset elidere, quantam febris magni-  
 tudo postularet? Non probo D. Mercati opinio-  
 nem, qui nescio qua seueritate, venæ sectionem  
 repeti cupit, Dandum est interim aliquid mori-  
 bus gentis: Hispanus fuit: nos Belgæ, nos Germa-  
 ni mitiores sumus, & crudelem istam medica-  
 nam improbamus. Nunc si nulla sit mensium  
 retentio, nulla hamorrhoidum suppressio, præ-  
 stat venam basilicam dextri lateris vulnerare,  
 sanguinemq; euacuandū profundere, vel Cepha-  
 licam vel venas pedum in dolore capitis reuulsio-  
 nis gratia aperire, quam sedis vel malleoli venam  
 tundere, quæ ad cobibitum sanguinē educendum

1. cap. 12.

3. Epid.  
com. 1. tit.  
26.Lib. 5. Cō-  
fil. & E-  
pist. Epist.  
ad Ioach.  
pag. 339.



merito anteponitur. Levis controuersia est de qua disputauimus: grauior verò, an vena possit aperi-  
 ri post macularum vel exanthematum eruptionem, quæ doctissimos premit, & viros in operibus artis exercitatos cruciat. Quare oro vos, Viri Expertissimi, vt si in definienda hac questione errem, cessitèq, me vestra doctrina instruat, & certioribus argumentis in viam reuocetis: si verò rectè sentiam, me vestra auctoritate fulciatis, meamq, sententiam confirmeris. Illud tamen debeo dicere, me sentire cū doctissimis hominibus, Clarissimis doctrina & exercitatione Doctoribus, argumentisq, permoueri quæ, meo iudicio, rem pene demonstrant. Quis enim Herculem de Saxonia Professore Medicina Patavinū celeberrimum, Vidum Vidium scriptis clarissimum, Ludouicum Mercatum Regis Hispaniarum Archiatrum, Alexandrum de Massaria expertissimū pro huiusmodi viris nō agnosceret? Hi omnes vnanimi consensu, non semper apertionem venæ post peticularum eruptionem, sed aliquando suadent, & penè necessariam esse arbitrantur. Non enim docent in debilibus, in senibus, in pueris sanguinem educendum esse si exanthemata corpus depinxerint, sed tuto id auxilij genus adhiberi existimant qui robore & ætate valent, quique copia sanguinis in vasis premuntur. Si verò absit sanguinis plenitudo quæ vasa distendat, merito cum iis à sacro hoc remedio abstinendum esse putamus. Eos autem qui venæ sectionem veluti periculosam damnant, virus exanthematum in hanc sententiam  
 per-



pertraxit, de quo metus est emissionē sanguinis  
intrò deduci ad viscera, à quibus natura malum  
incēpit excludere. Hinc satius esse putant sudo-  
viseris medicamentis motū naturæ adiuuandum  
esse, quam venæ sectione opus incaptum impedi-  
re. Enimuero cum aduersarij nostri, nixi eodem  
quo nos fundamento, disputant, puta Medicum  
naturæ esse ministrum, quam in opere suo debet  
adiuare, nos constanter auctoritate, ratione &  
experientia coacti affirmamus, venæ sectione in  
plethoricis corporibus eruptionem peticularum  
promoueri, nō retardari vel intrò reuocari. Quo- Lib. 14. c.  
modo. n. alioquin Galenus Medicinæ Dogmaticæ 10.

Princeps, vt apud eundem in libris Methodi me- Lib. 3. c. 2.  
dendi legimus, tuto venā in Carbunculo pestilēti  
secuisset? quomodo idē in parotidib. vt legere est a-  
pud eundem in libris de cōpositione medicamen-  
torum secundū Loca fecisset? quomodo in exan-  
thematis. cutis ab hoc sacro remedio in Epidemijs 2. in 6. E-  
nō abstinuit? Huic auctoritati accedit in super ra- pide. t. 30.  
tio, quæ perita ē medio medicinæ nostram senten-  
tiā confirmat. Nam si natura stimulis mali agi-  
tata non valeat quòd inimicū est, propter copiam  
expellere, manifestè consequens est, eandē id posse  
facere, vbi grauantem plenitudinem deposuerit.  
Si verò causam regressus ex anthematum diligen-  
tius animo cōplectamur, non est quòd metuamus,  
maculas apparentes denuò ad viscera redituras.  
Vasa. n. naturali quodam desiderio ad humores  
trahendos concitantur, vbi indigentia postulat:  
at cū venæ adhuc saturæ sint sanguine, deest tra-  
ctio,



Lib. 4. de  
locis af-  
fect. c. 4.

etio, cum tractionis causa deficiat. In sudoribus  
ciendis frustra laboramus, ubi expultrix facul-  
tas plenitudine sanguinis impedita non possit  
fibras contrahere, quarum opera in expellendo  
indiget. Vesica Galeni iudicio propter urinae co-  
piam, nequit eandem expellere, an non similiter  
venae sanguine distenta fibræq; in excretionem im-  
pedientur? Illud tamen rotundè faciendum est,  
nos minime prodigos debere esse in sanguine pro-  
fundendo, veluti magni quidam Medici scilicet  
faciunt, nec tam scrupulosos, ut syrupos oxme-  
litis simplicis, scyllitici carerosq; per scrupulos  
dispensemus, nec tam indoctos vel imprudentes,  
ut radices Hellebori nigri arbitrio Pharmaco-  
paeorum preparandas, earumq; dosim sine mor-  
bi, temperamenti, causæ, & personarum cogni-  
tione ab iisdem definiendam, committamus. Et  
quia aliquoties in missione sanguinis peccatur,  
ut liberalius quàm par sit, educatur, hinc istæ a-  
grotantium mortes, Medicorum querela &  
contumelia, hinc sepius in hoc morbi genere  
dissuasit Galenus venæ sectionem, vel ut ac cura-  
tus loquar, eius immoderationem. Enim uerò si  
quis anxius de venæ sectione adhibenda propter  
virium iacturam deliberet, tutò potest cucur-  
bitas cum scarificatione in usum ducere, qua-  
rum beneficio Spiritus veneficus, calorq; ferui-  
dus à visceribus ad extimas partes retrahitur,  
vires non ita dissipantur, & ager deniq; non tan-  
tum à febre lenticulari, sed ipsa peste vindica-  
tur. Et sanè dū pestilentia vehemēs (inquit  
Gale-

Lib. 4. de  
tuenda va-  
letud. c. 6.  
& cap. 10.



Galenus) A siam deprehendisset, multosq;  
 perdidisset meq; etiam morbus attigisset,  
 secunda morbi die, remissione febris fa-  
 ctâ, crus scarificaui, duasq; ferè sanguinis  
 libras detraxi, hacq; de causâ periculum  
 vitavi. Pleriq; igitur etiam alij hoc præsi-  
 dio vti superstites euasere, erant enim ple-  
 nitudinis signa: illiq; præcipuè saluaban-  
 tur, qui sanguinem copiosum exhaurie-  
 bant. Nobis tamen non licet esse ita prodigis, ut  
 tantû sanguinis ex nostris corporibus, que pau-  
 latim à vigore maiorum nostrorum defecerunt  
 crudeles suffuremur. Interim non tantum die-  
 ta, Chirurgia, de quibus hætenus locuti sumus,  
 sed insuper purgatio, sudoriferum alexiphar-  
 macum, Vomitorium, cæteraq; id genus auxilia  
 vsurpanda sunt, ut miserum agrotantem fau-  
 cibus lechi eripiamus. Purgandus est ager ante  
 tertium diem D. Rondeletij Consilio: ante quar-  
 tum iudicio Cratonis incomparabilis: ante se-  
 ptimum opinione egregij D. Mercati qui hic in-  
 dulgentior, in vena sectione crudelior est. Et  
 enim si in morbis non pestilentibus, vbi materia  
 turget, auctoritate Hippocratis, purgatio ab ini-  
 tio institui debet, quis non iudicat id hic facien-  
 dum esse statim, cum pestilens vis maiorem visce-  
 ribus perniciem, quàm materia turgens accerse-  
 ret? Hoc præceptum non parui æstimare oportet,  
 quòd multorum hominû sanguine nos Medici di-  
 dicimus, obseruabimus. Non tamen suffecerit in  
 principio morbi medicamentû purgans exhibere,  
 sed

Lib 5. Cō-  
 filiorum  
 medicin.  
 conf. 28.



sed delectus prætere à pharmaci habendus est, ne  
 Rhinoceros ad pugnam prouocetur, ne pernicioso  
 fluxu aluus ruat, idq, potentia vehementioris  
 Pharmaci. Cauendum vnicè est ab Antimonio, à  
 turbit, minerali, à præcipitato Chirurgorum, à  
 Scammonio, Euphorbio, imò ipsis communibus  
 Rhabarbaro, Agarico, quod infusum in validis  
 subinde admittitur, vt præsentaneum periculum  
 euitemus. Si enim his acrioribus pharmacis natu-  
 ram véluti equum generosum calcaribus irrite-  
 mus, an aliud fieret quàm quod Poëta scripsit:

Virgil.  
 lib. 1. Ge-  
 orgic. in  
 fine.

Vt cū carceribus sese effudere quadrigæ,  
 Addunt se in spatia, & frustra retinacula  
 tendens  
 Fertur equis auriga, neque audit currus  
 habenas.

Mollia placent: lenientia sat agunt vt virus quòd  
 sua spòte naturā laceßit, ab his expulsionis ducat  
 initium. Profunt igitur Cassia, Manna, Syrupus  
 rosarū solutiuus, elect. lenitiuū, diasebesten, cly-  
 ster molliens, præsertim si vëter durus sit caputq,  
 veneno oppugnetur. Vomitoria deniq, leuiuscula  
 si malum ex secundâ corporis regione in primam  
 transferatur. Postremum id Consiliū placuit Ar-  
 chiatri Ludouico Mercato, Platero Felici, & Do-  
 ctissimo Rondeletio qui rectè ex Hippocrate natu-  
 ram eò ducendam esse censet, quo vergat. Vnde si  
 macule erumpant, e.æ medicamento sudorifero  
 promouebit Medicus, minimè humorum coctione  
 expectatâ quam frustra requirit Alexander de  
 Massaria, vir alioquin doctissimus vtpote qui non  
 cogi-



cogitat humorem venenatum expulsionem potius quam coctione à natura superari debere. Et enim natura victrix morbi, non tantum humoris morbifici coctione, sed venenari exclusionem triumphat. Quis victoriam merito culpet, quae eiectione hostis acquiritur? Quis naturam reprehendat, quae non dolo malo agit: at per rectas vias hostem venenatum expellit? Si morbus minime pestilentibus, propter periculi magnitudinem, Medicus humorum concoctione non expectata auxiliatrices manus adferat, cur securo animo erimus in pestilentibus, tardiores ad iuuandum in morbis qui citius agrotantem iugulant? Cautio tamen adhibeatur, ne ladas naturam sudoribus ciendi quam iuuare voles, quos deposita plenitudine & obstructione expedita, concitare oportet, non medicamentis validioribus quae feruore, ebullitionem, maiusque incendiū humorū efficiunt. Sed quae moderatione quadam suum munus obeunt. Quare lapis Bezoardicus (quem quidam initio exhibitum prodesse, in augmento obesse volunt) cornu cerui vsum, semen naui, citri, Spiritus vitrioli, decoctum faniculi & lacca, caricarum cum rad. scorcionera, aut buglossae commendantur. Diastordium D. Fracastorci egregium est remedium si vis ipsius ignea succo citreorum, & syrupo de buglossa castigetur. Interim ne longior sim in recensendis remedijs Epithemata, & Unguenta cardiaca, portiones alexipharmaca, aliaque in vsum ducantur quibus symptomatibus varijs obuiam ire debemus. Audistis igitur

pano-

Lib. 5. cōf.  
& Epist.  
pag. 365.

Syrupus  
de succo  
scordijs.



panopliam qua Medicorum Hercules instructus  
monstrum febris pestilentis domare potest: Co-  
pias expluimus quibus non formidamus cum  
monstro horrendo conflagere: Exercitum reme-  
diorum exposuimus, cuius robore fusi aduersus bel-  
luum inuis pugnatum, quæ fortes Capitaneos,  
Generosos Duces, imperterritos Principes cru-  
deliter interficit. Laus est, febrem quotidia-  
nam, tertianam, ceterosque morbos à corporibus  
humani posse expellere, at diuinum est rursus iu-  
cundèque pestem, febremque pestilentem curare  
posse. Quis enim nisi sit ingenij diuini, virium  
astutia Vulpem, robore Leonem, pugnandi-  
que sollertia Rhinocerotem superabit? Quis  
domabit bestiam multiplicem, quàm nec verè  
lupum, nec canem, testudinem, cuculum, vul-  
turem aliasque feras possis dicere? Sed heu ma-  
lum! quàm paucos hodie Medicos reperire licet,  
monstro triumphant qui de hoc victores ex pugna  
saluantur. Habent cultros, gladios, cucurbi-  
tas, ceteraque id genus armorum: habent purga-  
tiones blandas & vehementes: habent Vomito-  
ria, Clysteres, Sudorifera, & Alexipharmaca  
remedia quibus pugnatur, at nondum exerci-  
tati sunt pugiles ut cominus eminusque, punctim,  
caesimque variisque armorum dexteritatem hostem  
ferire possint. Quid prosunt arma si rectè uti ne-  
queas? Si Dauides, depone arma Saul: utere tuis  
presidiis si aliorum non sis assuetus: nec alio-  
rum panopliam contemne si nequeas  
eà tuum corpus defendere.

DIXI.



ORATIO  
DE STVDIIS HIP-  
POCRATICIS CVM  
*Chymicis coniungen-*  
*dis.*

*Habita ab*

HERMANNO FOLLINO  
Phil. & Med. Doct. & Pro-  
fessore.

*Dum lectiones Medicinæ auspicaretur Anno*  
*1622. 6. Februarij.*

ORATIO ALTERA.

**S**iquid ingenij, doctrine, &  
eloquentia, in me esset, quod  
exiguum est, Auditores  
Nobilissimi, Amplissi-  
mi, Consultissimi, Ex-  
pertissimi, & Ornatissi-  
mi, optarem ardentem, ut  
ea omnia felici quadam conspiratione in hoc Au-  
gusto virorum Academicorum consessu hodie vo-  
bis possim expromere, quibus veterum Medi-  
corum auctoritas dignitasq, confirmanda est, &  
recentiorum splendor, nobilitasq, tuenda aduer-  
sus eos, qui non reformidant vetustam artis Hip-  
POCRATICAM



poetrice maiestatem plenis buccis contemnere,  
 vel intolerabili quodam errore Chymicorum sci-  
 entiam veluti ridiculam, vanam, futilemque rei-  
 cere. Etenim non levis est causa, quam defenden-  
 dam suscepi, cuius multum interest Reip. Scho-  
 laeque, praesertim si oculos conijciamus in eorum  
 auctoritatem, doctrinam, & gravitatem, qui in  
 hoc negotio dissentiunt. Alij enim vnicè amant,  
 explosa Chymicorum doctrina, quae sapientissi-  
 mus Hippocrates, vel peritissimus Galenus docuit,  
 posterisque litterarum monumentis consecrauit:  
 Alij quotidiana voluptate & dulcedine capti,  
 quam ex Anatomia corporum naturalium ignis  
 beneficio percipiunt, ab Hippocraticis Medicis a-  
 lieno sunt animo, quos parùm artifices esse exi-  
 stimant. Ita dum certatur, optandum esset, ut res  
 cum re, argumentum cum argumento expende-  
 retur, sed humani ingenij imbecillitate conuitia,  
 calumnia, abusus, ceteraque id genus malorum,  
 pro rationibus in medium afferuntur. Hinc ma-  
 gna pernicië Reip. factum est, & bonae famae ia-  
 cturâ, ut qui se Galenicum nominet, alibi conte-  
 mnatur, qui se Chymicum appellet, alibi velut  
 indoctus, rerumque medicarum imperitus reijcia-  
 tur. Ego hodie quid de hac disceptatione se-  
 cum ratione officij mei, cum vestra utilitate, Au-  
 ditores, libenter exponam, idque facturum, auctori-  
 tatis, rationis, & experientie panoplia instru-  
 ctus, ut clarè intelligatur, quibus Medicis vita,  
 salusque civium concredi posset. Quod dum facio,  
 oro vos, atque obtestor, Auditores Ornatissimi, ut  
 ani-



animo presenti & candidorem totam altius me-  
cum repetere & expendere dignemini.

Mea igitur opinio est, ne vos diu suspensos te-  
neam, Hippocratem & Galenum Principes Me-  
dicina agnoscendos esse, in quorum scriptis quæ  
versatus non sit, vel eorum methodum medendi  
absolutè contemnat, non Medicum esse sed male-  
dicum, non artificem, sed carnificem, si Medici-  
nam in Rep. vnquam exerceat. At hæc veterum  
doctrina tanti apud me non est, vt eandem pu-  
tem ad summum perfectionis fastigium perue-  
nisse, addi huic vel detrahi nihil posse, posteros eo-  
rum sua diligentia, artis exercitatione, & obser-  
uatione nihil consecutos fuisse, quod ad artem  
nostram vel exornandam vel amplificandam  
faceret. Multa enim & præclara medicamen-  
ta nobis hodie ars Chymica suppeditat, qui-  
bus ad salutem egrotantium vtimur, qua  
nec Galenus, nec diuinus Hippocrates affecu-  
tus est. Magno cum iudicio Chymici artifices  
purum ab impuro, subtile à crasso, nobile ab  
ignobili, vtile ab inutili separant, vt curatio  
tanto iucundior & felicitior euadat, quanto  
Medicamentorum præparatio operosior exi-  
stet. Vtròsq; igitur amo Galenicos & Chy-  
micos: neutri eorum suas laudes derogare cu-  
pio, neutrius gloriam suppressere, vtrumque ad-  
uersus hostiles impetus defendere. Quid sodes  
possunt inquirere aestimatores aduersus Hip-  
pocraticam & Galenicam doctrinam obicere?



Nihil forsitan, nisi quod manca sit, quod adhuc imperfecta, & neuos quosdam habeat. Id libenter concedimus, habent reum confitentem; crescit enim ars indies, nec veteribus cancellis concludi semper potest, nihilominus tamen id proba inuenta non conuellit, axiomata non enervat, nec antiquam medicinam iugulat. Imitemur quasso Anatomicos, corpusq; Medicinæ Hippocraticæ exenteremus, neruos eiusdem quaramus, musculos inuestigemus, Bone Deus, quantum hic robur doctrinæ ostenditur! Hac admiratione raptus olim Macrobius has laudes effudit, vt quod ipse ignorauerit, post illum sciuerit nullus, & quod tam fallere, quàm falli nesciuerit. Etenim in eo est verborum pressa proprietates, sententiarum concisa subtilitas, sermonis veneranda antiquitas, & artificij commendabilis dignitas. Si mentem, oculosq; ad libros Aphorismorum conuertamus, hi tam neruose, tamq; vtiliter sunt scripti, vt liceat nobis hic ferè idem dicere, quod de S. Ioannis Apocalypsi Theologi, videlicet tot penè mysteria, quot verba existere. In Coactu Pranotionibus est singularis, in Prædictionibus est diuinus, in Epidemijs linæus, deniq; in cæteris ita magnus, vt à toto orbe terrarum semper medicina Princeps habitus fuerit. Rectè enim antiquissimus Soranus scripsit, Medicinam inuenit Apollo, amplificauit Esculapius, perfecit Hippocrates. Cum id temporis medicina tantum constaret experimentis fallacibus, vsibus incertis, & remediorum generibus

In Præfatione Isaagoges.



bus, qua curatio brutorum animalium docue-  
 rat, certè sapientissimus artifex requirebatur,  
 qui adolescentem doctrinam posset perficere.  
 Non satis erat animaduertisse, quod Hippopota-  
 mus plenus sanguine, affricu spinarum copiam  
 eius è venis excluderet: quod Ibis avis iniecta in  
 testinis muria per rostrum, saburræ ventris  
 deponeret: quodq; Chelidoniam hirundines cele-  
 brem efficiant, accipitres Hieracium, Ciconia  
 origanum, rutam muscela, bederam apri, fœni-  
 culum deniq; anguis demonstrarent, sed ratione  
 & prudentia opus erat, quò vtiliter & cum fru-  
 ctu remedia, quæ quibusdam profuere in usum  
 duci poterant. Sicut enim vnum collyrium ne-  
 quit vitia cuncta oculi persanare, vel vnus cal-  
 ceus omnium pedi accommodari, sic neq; vnum  
 medicamentum omnibus prodesse possit, licet  
 morbis eiusdem generis affligantur. Quare o-  
 portuit, vt diuini senis verbum vtar, Sapientiam  
 transferre ad Medicinam, & Medicinam Lib. de de-  
 vicissim ad sapientiam: Medicus enim centi habi-  
 Philosophus, Deo est similis. Nam veluti tu.  
 Deus Opt. Max. nunquam labitur aut cespitat  
 in suis operibus, sic Medicus sapientiæ panopliæ  
 instructus ad similitudinem diuini numinis,  
 morbum agrotantis rectè cognoscit, aptum me-  
 dicamentum eligit, & pro diuersitate tempera-  
 menti, sexus, virium & partium eundem sine  
 errore annititur profligare. Sic sensim cognitio  
 medica ad fastigium scientiæ surrexit, quæ suis  
 demonstrationibus & energiâ per sapientiam



Hippocrates ingentem sibi gloriam & immortalitatem comparauit. Id certe euidentis sapientiae iudicium est, quod primus elementa qualitatum, calidi nimirum, frigidi, humidi ac sicci notionibus indigetauerit, aëris & aquae conditiones explicauerit, naturam definiuerit, foetuum formationem tradiderit, ex temporum mutatione venturos morbos praemonuerit, ideam eorundem praedixerit, denique salutem vel interitum agrotantium praesenserit. Nec id praeireundum est quod Aristoteles Philosophorum Princeps, Prudentiae oculus, & dux multa ab eo mutuari non erubuerit. Caterum quia non dubito, Auditores, quin communi suffragio probaturi sitis Damasceni opinionem: Medicum efficacem esse oportere in opere, non loquacem in sermone, recte mihi videor facturus, si doceam nostrum Hippocratem ut eloquio, sic similiter operibus magnum extitisse. An ob aliud quippiam, Thessaliae, Macedoniae, ac Thraciae seruator fuit dictus, quam propter infinitos homines, quos letho sua arte eripuit? An propter alias causas magnus Persarum Rex Artaxerxes celebritate nominis Hippocratici excitatus, eum ad se vocari iussit, quam propter felicitatem artis medicae, de qua Graecum exstat elogium, latinis verbis sic redditum: Hippocrates lumen fuit, & saluauit populorum gentes, & mortuorum fuit raritas in inferno? Audiuit istas acclamationes sibi fieri à populo Abderitano dum ad Democritum sanandum contenderet: O Iupiter seruato, adiuua-

to,

In Epist.  
Hipp.



to, medicato. Concipite sodes animis vestris quos tunc applausus, quæ latitiæ argumenta, quas sibi gratulationes audiuit & vidit fieri, ubi non unum hominem, non pagum aliquem, non vnam ciuitatem, sed totam Græciam à peste saluissimam liberauerit, vindicauerit & incolumitati reddiderit? Quid? Ita? Athenienses sapientissimi homines propter... gularia in Remp. merita ciuitate Hippocratem viuum donarunt, publicèq; eum in Curia Prytaneoue nutricari constituerunt, & mortem Græcis versibus, quos sic Latinitati donauit Morus, condecorarunt.

Thessalus Hippocrates Cous genere, hac iacet urna  
Phæbi immortalis semine progenitus.

Crebra trophæa tulit morborum, armis Medicinæ,  
Laus cui magna, nec id sorte, sed arte fuit.

Quare non immerito hunc virum Plato Æsculapij successorem, Galenus veracem, Magnum, Probum, Philosophorum omnium ac Medicorum Principem, Magistrum diligentissimum, nobilissimum ducem, disciplinarum auctorem maxime admirandum, senem, virumq; venerandum nominat. An hac laus & gloria cum Hippocrate mortua fuit? an utilitas artis & liberalitas hominum erga artifices à fato principis desit? Minime gentium: cum doctrina Hippocratis laudes, gloria, & utilitas perennant. Thessalus ab Atheniensibus aurea corona donatus est. Democedas Medicus à Dario, propter restitutam sanitatem duo paria aureorum compedum, Herodotus & ab eius vxoribus phialas aureas dono accepit. Claudius Galenus fidelissimus Hip-

In oratione quæ legatio dicitur.

Herodotus in Thalia.

C 4 peca-



Suetonius.

Cap. 38.

pocratis interpres, anima principis, medicina parens fecundissimus Romæ propter artis felicitatem, non tantum scriptis clarissimus, sed ei posita statua æternum nomen consecutus est. Augustus Imperator Musæ liberto à quo restitutus erat sanitati, æream statuam Æsculapij signo vicinam erexit, totiq; medicorum familie immunitatem civitum munerum concessit. Iulius Cæsar omnes Medicinæ Professores civitate donavit. Sed quid vetera commemoro, cum sint in memoriâ nostrâ Cocterij, Garcias, Petronij, Mercuriales, Capivaccij, Vallesij qui omnes felicitate artis Hippocraticæ diuitias, gloriam, & immortale nomen sibi pepererunt? Cominaus mihi auctor est Iacobum Cocterium Gallum, Ludouici Francorum Regis, eius nominis vndecimi Medicum, decem millia aureorum singulis mensibus pro mercede accepisse. Garcias ab horto Medicus excellentissimus à rege quodam Indorum duodecim millia dalerorū Germanicorum, veluti sostrum vnius morbi consecutus est. Philippus secundus gloriose memoria Hispaniarum Rex, Archiatro suo Francisco Vallesio ob febriculam septem dierum spatio profligatam, præter annum stipendium amplissimum, sex aureorum millia dono transmisit. Verè igitur illud Ecclesiastici Medicis Hippocraticis accommodatur: Honora Medicum, propter necessitatem, etenim illum creauit Altissimus. A Deo est enim omnis medela & à Rege accipiet donationem. Disciplina Medi-



Medici exaltabit caput eius & in conspe-  
 ctu Magnatum collaudabitur. Quæ cum ita  
 sint, Auditores, satis mirari nequeo quorundam  
 mortalium vel temeritatem in contemnenda ve-  
 rustate artis Hippocraticæ, vel si mitius loqui ve-  
 lim, crassam ignorantiam, ut non videant illam  
 veram esse Medicinā, quæ à tot retro actis seculis  
 per Europam, Asiam, aliasq; orbis partes in Ca-  
 thedris siholisq; passim neruosè doceri, in Rep. v-  
 tiliter exerceri, à Regibus, populoq; reuerenter  
 coli & suspici consuevit. Fateor ingenuè, habent  
 illi, quæ possunt obicere, sed tamen talia non  
 sunt, quæ maiestatem artis proculcant. Aiunt Plinius li.  
 Plinianā auctoritate moti, Romanos prudentia 29. Histor.  
 duces olim Medicos vrbe expulisse, vnde medici- Naturalis.  
 nam haud magni faciendam esse arbitrantur.  
 Graue crimen est Misomedice, quod nobis impin-  
 git, sed vide fodes quos hoc gladio vulneras? Anne  
 putas quod veros Medicos hac oratione cruenta-  
 ueris? quod Hippocraticos iusto conuitio lacer-  
 aueris? Vbi tua mens? Vbi oculi? Nonne vides i-  
 stos, pestilentes Iudeos fuisse, quibus nos hic et-  
 iam vexamur, qui nihil habent, ut multum dent:  
 Circulatores Thrafonicos, Scurras Ioannes Pot-  
 tagios, qui ex vna olla cunctorum affectuum  
 medicamenta depromunt, circumforaneos bul-  
 latos, quibus forum nostrum festo S. Theophorie  
 plenum est, histriones insulsos, Pseudochymicos  
 subdolos, Magistellos omni Philosophia nudos,  
 Barba tonsores sciolos, Clinicos superciliosos,  
 magomedicastro, singaros, carnifices, quos nu-



*Plinius loco  
citato.*

*Libr. de  
præcog. ad  
Posthumā  
cap. 4. lib.  
de facult.  
purg. cap.  
ultimo.*

per in foro ut populum carnificarent, a quibus oculis aspicere debuimus, denique sceleratam manum fuisse, quæ hodierno die passim miserum vulgus, & interdum graues viros non tantum argento emungit, sed vita priuat? Vtinam Romanorum exemplo, ipsorum Colonia hanc pestem hominum in exilium relegaret, ne periculis bonorum ciuium posset discere & per experimenta mortes agere, felicius & fortunatius ageretur cum Rep. in qua clam hominem occidisse summa impunitas habetur. Cum hic manipulus pseudo-meditorum Romam confluxisset, tum peritissimus noster Galenus ibidem vixit non absque horum ardelionum odio (commune vitium est ut indocti doctioribus inuideant) quos sæpe oratione sua, sapius artificio strauit, vicit, superauit. Exiguū putat esse Misomedicus quod dixit, maius esse quod sequitur. Quomodo (inquit) Medicos laudare possem Hippocraticos, siue Galenicos, quomodo meam vitam ipsis credere, qui non curant morbos eloquio, sed medicamento, quod ab alijs traditum, idem an diuersum, à Pharmacopæis preparatum benè vel malè, integrum viribus aut languidum nequeunt asserere? Magni momenti est, Auditores, quod obijcitur, si Pharmacopæus sit vir indoctus, prauig, ingenij, parui, si probitate & doctrinā excellat. Sed heu calamitas! quibus hodie turpis illa vox Vespasiani Caesaris non placet? Lucri bonus odor ex re qualibet. Volo dicere sed cum mærore animi dico, quotusquig, hodie Pharmacopæorum ita officium facit  
sicut



sicut ratio, charitas proximi, & scientia artis postulat? Alij enim illotis manibus ad hanc artē tractandam accedunt. Alij, si fideliter artē calleant, ita credunt & viuunt vt Dei praecepta negligāt: quae si temnant quanto magis audebunt leges hominum, praecepta Medicorum flocci facere, curamq; agrotantiū deponere? Hinc oritur illa audacia vt falcē in alienam messē iaciāt, saepiusq; se dominos faciant cū sint ministri, Medicos cum Pharmacopaei: hinc negligētia originem habet, vt quod ipsimet debent componere, rudioribus famulus, vel vxoribus committant: hinc fit vt non erubescant ἀνὲρ βαλάνειν, si medicamento praescripto careant, ne lucrū paulo maius eripiat. Piget me plura dicere, debeo tamen dicere, vt communi saluti, totiūq; Reip. consulatur. Medicamenta aliquando ab Indis, Persis, Graecis, Arabibus atq; extremis Garamanthis aduecta, quae vel teredo exedit, vel tempus extenuauit, vel situs diuturnus emedullauit, pro integris atq; incorruptis venduntur. Si forsitan in coquendo, vel preparando peccatum fuerit, viresq; desideratas non habeat, nihilominus id quasi perfectum ex officina Medico praescribenti obtruditur. Si nostrae mulieres in elixandis ouis subinde peccent, vt vel nimis mollicula vel dura sint, an non similiter artifex noster subinde in opere suo cessitat? attamen bono odore lucri compulsus non reformidat rem foetidam diuendere. Omitto nunc quod auaritia excacati, miseram plebem pecunia emungant, exigendo plus pro medicamento, quam par est, vt curationem morbi pra-



inopia nequeat persequi, Satis dixi, Misomedice.  
 & quæ dixi non vitia artus, sed hominum sunt.  
 quorum inscitiam, negligentiam, audaciam, &  
 auaritiam, vos oro atq; obtestor ô viri consulares,  
 propter communem salutem civium, propter  
 priuatam vitæ conseruationem, propter artis no-  
 stræ splendorem, vt radicitus aueruncetis, ex-  
 tirpetis. Plura sunt alia crimina, quæ Misomedi-  
 cus aduersus Hippocraticam doctrinam euomit,  
 sed similis farina, quæ non in artem, non in re-  
 ctam medicinam cadunt, sed in homines, quibus  
 haud relligio est sacra profanis, vera falsis, pa-  
 radoxa receptis opinionibus miscere. Non enim  
 hosce novos Vromanticos fecit veracissimus Hip-  
 pocrates, qui ex sola vrina inspectione omnia  
 morborum genera cognoscere, decreta salutis  
 aut mortis fideliter explicare, consilia sanitatis  
 recuperanda præscribere pollicentur: non docuit  
 venerandus Senex discipulos suos amuletum i-  
 stud Odontalgicum: Galbes, Galbat Galde,  
 Galda: non reliquit sapientissimus artifex poste-  
 ris suis ista deliramenta, quæ Trallianus, Mar-  
 cellus Empiricus, Gordonius Valescus, alijq; id  
 genus ad Epilepsiam, ophtalmiam, cæterosq;  
 morbos pellendos auribus insusurrant. Vtinam  
 hic finis quærelarum esset, sed prohdolor, itum  
 est ad Magiam, quæ hodie prætextu Sympathia  
 & Antipathia rerum naturalium defenditur.  
 Quid enim aliud est telungium, quàm execrabi-  
 le dæmonis inuentum? mirabilis hic esset, rerum  
 proprietates quod linimentum pugioni inunctum



ab apice manubrium versus benefaceret, & à  
 manubrio apicem versus grauitèr vulnerato offi-  
 ceret. Sed abeamus ab his nugis, quibus ars vera  
 non polluitur: manet veritas inter mille menda-  
 cia, inter mille dolos perennabit medicina Hip-  
 pocratica, quæ Deum habet auctorem, quam ge-  
 nuit Ratio & Experientia, synceros suos cultores  
 præmijs & honoribus afficit. Hac cum ita sese  
 habeant, quis non videt, verissimum esse, qui do-  
 ctrinam Hippocratis contemnit, non artificem  
 sed carnificem esse, qui nudus hac arte morborum  
 curationem aggreditur? Si quis imperitus artis  
 Sutoriae corium perdit, ex quo calceos formare  
 tentat, an non audaculus ille per imperitiam &  
 artis sacræ ignoratorem hominem instar carni-  
 ficis occidet, quem præter rationem officij curan-  
 dum suscipit? Non enim ligna sunt neque lu-  
 tum, neque corium quibus medemur (ait  
 bonus Damascenus) sed tenuioris & pretio-  
 sioris essentia, opificium Dei, homo vide-  
 licet in quo lapsus procliuius quidem, sed  
 admodum periculosus, qui sæpè ad inte-  
 ritum terminatur. Nunc me conuerto ad al-  
 teram orationis meæ partem, in quâ docebo bre-  
 uissimè Chymicos non vituperio, sed laude dignos  
 esse, non inimicos arti Hippocraticæ, sed amicos  
 fideles existere. Hodie tanta cecitas est mortu-  
 alium, Auditores, ut audito nomine præstantissi-  
 mæ artis Chymicæ, incipiant eandem conuicijs  
 lacerare, faciantq; non secus, quam malitiosi i-  
 sti homines, de quibus S. Iudas Apostolus conqui-  
 ritur:

Rodol-  
 phus Go-  
 clenius in  
 lib. suo de  
 vnguento  
 armario.

10. Aphor.

Transitio.



Epist. Iud. ritur: Hi autem quæcunque quidem igno-  
 vers. 10. rant, blasphemant.

Argumē-  
 tum à de-  
 finitione.

Quomodo enim alioquin posset Chymicum  
 contemnere, qui purum ab impuro separat, cras-  
 sum à subtili, balsamum à stercore, substantiam  
 à cadauere: qui non patitur ut medicamentum  
 Helleboratum, Scammoneatum, Euphorbia-  
 num, Colocynthiacum, Opiatum corporibus hu-  
 manis ingeratur, priusquam perniciofa vis ve-  
 neni deposita fuerit, deniq; Vulcani beneficio  
 mixtorum corpora euiscerat, ut sensu constare  
 possit, ex quibus ynumquodque componatur?  
 Dic mihi sodes, Misochymice, si Galenicus te ad  
 prandium vocasset, tibiq; primum ferculum pol-  
 licitus fuisset, mesenterium animalis plenum  
 adhuc ciborum reliquijs, sed coctum diligen-  
 ter, Sacchariq; dulcedine conditum, rogo vtrum  
 conuiuia, vel domi manere mallet? Hic lupum  
 auribus tenes, heres, ambigis. Si mecum sentias,  
 malletm atro pane vesci, quàm ad huiusmodi  
 prandium accedere: pura me afficiunt, quisqui-  
 lias odi. Quod si sanus & integer corpore ali-  
 menta plena fecibus, licet sint mellita, non cu-  
 pis attingere, quare egrotus insueta tibi medi-  
 camenta, quæ scatent impuritatibus deuorare  
 non reformidas? O stultitiam! Putasne te  
 robustiorem & valentiorum esse in perferendis  
 medicamentis, quàm alimentis, in morbo quàm  
 in prospera valetudine? Imitare Galenicus,  
 qui suis egrotantibus ob naturæ imbecillitatem,

non



non solidam carnem, sed eius succum, vel eius loco iuscula & gelatinas pro alimentis exhibent: An nobis non licet esse ita solliciti in propinandis medicamentis, quæ partim insita sua vi, partim copiâ impuritatum agrum obruerent? Tales enim Medici, Plutarchi iudicio, non aliud faciunt, quàm quod consuetudo & cognata corporis excrementa eliciant, injiciant verò in corpus indefecatas Pharmacorum turbas, quæ magis expiatione indigent, quàm quod ritè hominem expurgare queant. Quis pleno ore iniuriam non predicaret, si Magistratus noster ciues Colonienses vrbe expelleret, alienos & aduenas admitteret? Si proscriptis vestris amicis, cognatis, & familiaribus Coloniam antiquam, nouis hominibus Hispanis, Gallis, ceterisque nationibus implere cuperet? Quod si naturæ laboriosum, molestumque sit bibere medicinas à veneno & impuritatibus immunes, ut Princeps Arabica medicina existimat, nemo non videt, quantum molestia egrotanti, oblatione impurius pharmaci, exhibeamus. Vnde discamus potius à rusticis, qui lumine naturæ edocti, granum à paleis, vinum à vinaceis separant: discamus à pistoribus qui frumentum prius mola attritum, hinc à surfuribus liberatum, postea fermento & aqua subactum in panem committant. Quanquam verò panificium tanta industria, tantoque sudore preparetur, nihilominus internus humani corporis Chymicus, labo-

Libr. de  
præceptis  
salutari-  
bus.

Auicenna  
lib. 1. fen.  
3. doct. 2.  
cap. 1.



Allusio ad  
dictum  
Ciceronis  
in Milone.

laboriosa hac preparatione non contentus denti-  
bus, quasi noua mola cibos oblatos comminuit,  
heterogeneos humores separat, triplicemq; conco-  
ctionis excrementa expellit. Vnde liquet, Audi-  
tores, quod hæc ars ab hominibus non sit propriè  
inuenta, sed nobiscum nata, quam non didici-  
mus, accepimus, legimus, verum ex ipsa natura  
arripuimus, hausimus, expressimus: quam non  
docti sed facti, non instituti, sed imbuti cognoui-  
mus. Quid enim certius argumentum esse potest,  
quam quod de promptum è sacris literis, docet  
Tubalcain (Gentilium Vulcain) filium Lamech  
in ipso mundi ortu fabrum ararium, ferrarium-  
que fuisse, qui ex are, ferroq; opera procuderit?  
Non enim as & ferrum ita ex terra progermi-  
nant, vt sine beneficio artis Metallurgica ferri &  
aris excoquendi artificibus inseruire possint.  
Hinc successit Hermes Trismegistus omnium  
Philosophorum Pater, qui tabulam Smaragdi-  
nam, de opere lapidis Philosophorum posteritati  
consecrauit: hinc suscepta est expeditio Argonau-  
tica in Colchidem ad tollendum aureum vellus,  
quod Suida interprete, nihil aliud est quam liber  
in velleribus conscriptus, qui artificium faciendi  
auri continebat: hinc statim Democritus ipsius  
naturæ genius, Salomon sapientissimus, Iulius  
firmicus Astrologia lumen, Heliodorus prudentis-  
simus, Almanzor Rex Hispania potentissimus,  
Bulcasis laboriosissimus, & Mesue nobilissi-  
mus, omnes auctores Chymia ingeniosissimi  
subsecuti sunt. Quid opus est Albertos magnos,  
Rayman-



Raymundos Lullios, Auicennas, Vlsadios, Paracelsos, Syluios, Fernelios, Rulandos, Turqueros, Haruertos, Quercetanos, Hartmannos, Birckmannos, Cratones, Andernacos, Frambesarios, aliosq; infinitos recensere, qui scriptis & operibus artem Chymicam commendarunt? Ipsa per se satis fulget, praconio Ciceroniano haud opus est: Illud tamen praeterire nec volo, nec debeo, quod libris Meteorum natura doctor Aristoteles, rationem conficiendi sales ex plantis planissime docuerit: quod Galenus, Paulus Aegineta, Aëtius Hippocraticae Medicinae propugnatores acerrimi, Sales Theriacales modumq; calcinandi agnouerint, probauerint: Certè quo iure, qua lege, quibus rationibus, ex schola medica artem Chymicam, qua separationem puri ab impuro proficeretur, quod inest omnibus corporibus mixtis, relegabimus? Audite sedes Galenum docentem: Vinum namque diximus, vnum quidem habere in se recrementum crassarum partium, vnde dum temporis spatio secernitur, ferturque deorsum, fex consistit: Aliud verò secundum quod florem nuncupant, quod dum vinum feruet, supernatat, sed postea ad faeces subsidit: tertium aqueum, quod toti vino permixtum est: hoc prius potissimumq; feruet: quartum praeter hæc est ipsum, reuera vinum. Ostensum verò etiam est, quod tam in oleo: tum in lacte, tum in alijs omnibus succis eadem sit recrementorum natura,

D

mul-

Lib. 2. ca. 3.

Lib. de

Theriaca

ad Pisonē

cap. 31.

Lib. 7. cap.

11. libr. te-

tra. 4. ser.

1. c. 97.

Libr. 4.

simpl. c. 3.



multoque magis in totis plantis, metallicisque omnibus. An non hic Galenum clare Chymicum agnoscitis, qui in quouis corpore vegetabili, animali, & metallico, varias substantias arte, veluti natura simia, separabiles, demonstravit? Quod si Medicinam Hippocraticam, Dominam & Imperatricem aestimemus, quaeso non simus tam aduerso animo, ut eidem Chymiam veluti legitimam eius ancillam inuideamus. Pedissequam facimus Chymiam, non heram, subsequi debet, non praire. Pharmacopaeus in familia medica recipitur, Chymicus excluditur, uterque minister est: at hic nobilis, ille ignobilis: hic iucundus est, subtilis, purus, ille molestus, crassus & sordidus. Iniuria, mehercule, insignis est quam perpeti non debemus.

Confutatio.

Qua cum dico, videor mihi audire voces clamantium, Quid agis Chymicorum Praeco? Cur nouam hanc artem laudas? Cur artifices huius extollis, qui passim Antimonium, Laudanum opiatum, oleum vitrioli corrosiuum, aurum potabile, vel potius putabile, aliaque id genus medicamenta Metallica & perniciofa cum Paracelso Mago vsurpare non reformidant? Sed hoc plaustro conuictorum non moueor, his vocibus haud percellor, sed ira potius, quam ratio extorsit. Cur noua ars, nouis hominibus non placet? Temporibus maiorum nostrorum non viximus, nunc spiritum trahimus: nos tam firmas lacertas non habemus in senescentia



sciente mundo, quam qui nati sunt in adolescen-  
 te: caremus Archeo tam potente stomachos istos  
 Struthionis optamus, sed non habemus vt Helle-  
 borum cum maioribus aliq, medicamenta im-  
 puriora, concoquere possemus. Hinc delicatio-  
 ribus molliora & suauiora remedia necessitas, &  
 ars excogitauit. Si nulla noua tibi placeant  
 Misoehymice, (quamuis hac ars noua non sit)  
 facile poteris animo tuo obsequi & nouas domos,  
 si quas habes, cum ruinam minantibus, nouas ve-  
 stes cum laceris, nouam supellectilem cum detri-  
 ta Tuiti permutare. Iam verò quod ad Anti-  
 monium attinet, cuius audito nomine, quidam  
 mortales toto animo & corpore solent perhorre-  
 scere, fateor medicamentum periculosum esse,  
 si veneno non spoliatur, si ab imperito perperam  
 exhibeatur, imò gladius erit manibus furiosi  
 concreditus. Maetabit huiusmodi homo, non  
 defendet: occidet, non proteget: ladet, non sana-  
 bit. At artifex Vulcani beneficio nouit hunc  
 hostem domare, & lupum crudelem in placidam  
 ouem conuertere. Multa enim ignis com-  
 mercio (vt peritissimi Galeni verbis utar)  
 meliora redduntur: multa in arte medi-  
 camenta quam diu veterem ipsorum na-  
 turam retinent, acerrima sunt, & corpo-  
 ribus inimica: domita verò ignis necessi-  
 tate, curationi fiunt congrua. Si Theriacana  
 non damnemus propter viperas quas continet:  
 Si Helleborum, Mezereum, Scammonium pro-

Libr. de  
 Theriaca  
 ad Pison:  
 cap. 32.



pter rudis Minervæ correctionem non formide-  
mus, si à fungis, rariq; venenatis pro alimento  
non abhorreamus, quo iure? qua lege? Sacrum  
Stibium artificii manu præparatum, à veneno li-  
beratum, potentissimum aduersus morbos reme-  
dium vsibus Medicis interdiciemus? Ego omiſſis  
Methioli de hoc medicamento laudibus cum cele-  
berrimo Doctore Galenico Alexandro de Massa-  
ria ita iudicandum esse existimo: Si Antimo-  
nium probè fuerit præparatum, si à perito  
Medico opportunè & cum ratione admi-  
nistretur non temnendum, sed veneran-  
dum ac salutare remedium esse, & pluri-  
morum hominum admiratione grauissi-  
mos morbos propulsare: si verò ab im-  
perito Medico, & temerè offeratur, tan-  
quam venenum pericula, & quandoque  
mortem inferre. Certè nimis rusticum est si  
quis vulneretur, gladium velle accusare, non vul-  
nerantem: nimis caninum est os admordere velle,  
quo quis impetitur, & non proijcientem: Nimis  
Cyclopicum est, totum cælum euertere velle, si  
qua Diuorum gentilitium labes deprehenditur.  
Vbi iam es, Misochymice, num tibi verum an fal-  
sum videor dicere? forsitan vrgebis quod Galeni-  
ca remedia sine periculo vsurpari possent, ac idem  
Chymicis præferri debere. Vestram fidem his  
appello, Galenici, dicite sodes num periculo ca-  
reant vestra veratra, peplia, Cantbarides, Elate-  
rium, Scammonium, Ranunculus, Thapsia, Ca-  
locyn-

Alex. de  
Mass. de  
purgantib.  
med. c. 30.



*locynthis, granum Cnidium, Euphorbium? an  
 nemo his abuti posset? O inertem artem! O Medi-  
 cinam facilem quam quilibet dextrè, peritè, &  
 sine periculo, vir ac mulier, senex ac iuuenis, do-  
 ctus atq; indoctus tractare atq; exercere posset!  
 Hæc dum audio, videor mihi intelligere, aduersa-  
 rios nostros velle dicere: omnia medicamenta  
 vulgaria, benigna: Chymica verò acerrima &  
 humano corpori hostilia esse, quod quàm absur-  
 dum sit, iam neminem vestrum ignorare existi-  
 mo. Comparete sodes pharmaca ista valentiora,  
 quæ modo nominavi Galenicorum, cum Chymi-  
 ci Antimonialibus, Mercurialibus, Saturninis,  
 cæterisq; & benigniora cum benignis conferte,  
 non dubito, quin omnes mecum puriorem Man-  
 nam impura, defecatam Aloen sordida, Scam-  
 monium pellucidum, Diagridio seculento sitis  
 præposituri. Culpatur Laudanum, Laudatur  
 Philonium: in eo puritas est Opij, in hoc Euphor-  
 bium causticum & Opium venenatum coeunt: in  
 illo Narcotica facultas & acrimonia Opij leni-  
 tur: in hoc virus opiatum acerrimi Euphorbij  
 consortio exasperatur. Vbi hæc argumenta pro-  
 feruntur, mutata animi voluntate, aduersarij  
 Laudanum laudatum remedium esse confiten-  
 tur, sed requirunt peritum artificem, quasi verò  
 Galenica ars ab imperito exerceri, quasi verò im-  
 peritia vtentis medicamento imputari debeat.  
 Valeant ergò narrationes de Pseudochymicis in-  
 stituta, vt artem labefactemus: mancant in ho-*



Hipp. lib. 1.  
Aph. 6.

nore medicamenta, quæ à veris Medicis exhibita,  
multis fuere præsidio. Si nemo vinum pro-  
pter ebrios fastidiat, cur Chymiam propter  
Pseudochymicos contemnitis? Eadem sunt re-  
media, quæ uterq; Medicus Galenicus & Chy-  
micus vsurpat: non semper ille Cassiam, sed  
sape Colocynthidem acerrimam exhibet, neque  
hic semper Antimonium vel Mercurium arifi-  
ciosè preparatum agrotantibus deuorandum  
præbet, neque ipse ignorat, Extremis ma-  
lis extrema tantum esse exhibenda reme-  
dia, at frequenter Extractum Cassiæ, Manna,  
Tamarindorum, Rhabarbari, similia quæ  
prescribit, quibus tertia parte drachmæ tan-  
tum efficit, quantum integra alij, qui Me-  
dicamenta sine separatione sordium deglutiri  
præcipiunt. Vnde Pharmacopæus (cui suus  
mos est Medicamenta corrigendi) similis mi-  
hi videtur esse insulsis mulierculis, quæ foetorem  
cubiculi thure, myrrha, Styrace, tædiq; odorif-  
feris, relicto animalis excremento, student  
tollere: At Chymicus prudentior foribus ejcis  
quisquiliis, odore nihil, sed nitore vnumquod-  
que castigat. Similibus planè arietibus Oleum  
vitrioli impugnatur: vsus propter abusum  
damnatur. Rodit vitriolum, hinc certum  
ei exilium: Non rodit, hinc certa libertas.  
Ut tinctorum panni lanei & serici nigri immo-  
derato vitrioli vsu pannum non tingunt, sed  
adurunt, sic medicus vitrioli præpostero vsu non  
proficiet, sed officiet. Quod si vitriolum nunquam

in



in vsum duci debeat, quare Andromachi Theriaca id crudum recipit? Non omne quod corrodit protinus ex officina medica relegandum est: sic vino vtendum non esset, propter tartarum, quod aes & argentum corrodat: Sic sale communi abstinendum foret, quo corpus humanum conseruatur, quia ferrum, aes, stannum, & plumbum corrodit, atq; adeo argentum viuum praecipitat: relinquendum esset mel, quod Galenus dicit esse acerrimum, succus limonum, & acetum, quibus homo carere non posset. Nunc vero bone Deus! quas technas? quos dolos Pseudochymicorum in medium non proferimus, vt hominum nequitia potentiam & maiestatem Auri potabilem exueremus? saepe repetitum est, quod culpa artificis in artem iuste deriuari nequeat. Quod si temperatissimus hic Salamandra Metallicus, Chymicorum Sol, Leo ruber, & Mineralium pater ob infinitas ipsius vires in Lætificante Galeni, Aurea Alexandrina Nicolai, Diathamaron, confectionibus Alkermes, Hyacynthi, Cordialis Alexandri Benedicti, Elect. de gemmis calidis & frigidis, ceterisq; pluribus Antidotis integer recipiatur, quare nobis non licet certo artificio eundem potabilem reddere, vt igne humani corporis interno vinci ac superari possit? Tale fuit aurum illud Arnoldi de Villa noua, quo Regis Neapolitani filium leprosum sanitati restituit: tale fuit AZoth Para-

Lib. 1. de  
Antid. c. 7.



celsi quo lepram, Hydropem, & Podagram sustu-  
lit: tale est hodie aurum Francisci Antonij Lon-  
dinensis in Medicina Doctoris excellentissimi,  
qui sacra hac medicina desperata salutis & mo-  
ribundos ad vitam reuocat. Postremum celeberrimus D. Hartmannus testatur: Clarissimus D. Mosanus Archiater expertus est: Doctissimus Henricus Petrus Marpurgensis Medicina Professor, cum fructu admirabili probauit. Non creditis forsitan Mischymici, eo quod existimetis cuncta metalla nobis esse inimica, & natura nostra haud congrua sed videre sodes in qua schola, & apud quos ita disputatis? Annon apud Colonienses, qui probe inter alimenta, & medicamenta nouerunt discernere? Fatemur quod metalla in optimum naturae succum, aut sanguinem purissimum, ex quo robur est, minime mutantur, quod alimentorum est proprium, an ideo medicamenta esse desinunt? si Medicamenta sint quibus, auctore Galeno, ingenitum est, ut substantiam nostram alterent, quid mirum, si naturae nostrae ut talia, inimica habeantur, quanquam in genere Medicamentorum nobis familiaria esse possint. Suffecerit vnicuique plumbum ante oculos posuisse, quod licet nostram substantiam non augeat, tamen aliquot annos in corpore humano innoxie haeret, lacumque sine vlla partium offensione commutat. Nuper in Silesiaco puero dentem aureum natura produxit: olim Albertus Magnus, Philosophiae doctus, aurum inter futuras cranij humani reperit: hodie in Monomotapa re-  
gione

Li. i. simp.  
Med. c. i.



gione ipsi arborum trunci auri feraces conspiciuntur. Quod si locus rerum quasi alter parens sit, quis tam cæcus est, ut non solum inter hominē & metalla familiaritatem & arctam cognationem videat, sed inter triplicia corpora vegetabilia, animalia & Mineralia admirandam naturarum societatem non contempletur? De Paracelso multa dicere quid opus est? Paracelsi negotium hic non agitur, sed Chymia: Paracelsi causam non defendimus, sed Chymicorum patrocinium suscepimus. Paracelsus esto Magus: esto impius: esto impostor, nihilominus suis Magicis inuentis, superstitiosa doctrina, monstrosis opinionibus artem non contaminavit. Si quid hic, aut ille deliravit, quid hoc ad puritatem veritatemq; artis integerrimæ facit? Multa licet in eo sint absurda, ridicula, somnijs simillima, imò Magica & quæ SS. Ecclesia damnat, qualia sunt de viribus imaginationis, de Magnetismo, de Generatione homunculi ex pane & vino aut semine in furnulo arcanorum, similiq; farina pluribus, nihilominus tamen fuit malleus medicorum, Pharmacia restaurator, & Hippocraticæ doctrinæ fautor & amator. Quantus verò in re medica extiterit artifex λόγῳ & ἐργῳ demonstravit. An non eximia sunt, quæ in Chirurgia scripsit? nonne pulchra quæ in Archidoxis tradidit? nonne vtilia quæ de Helleboro, Persicaria, Hypericone, Sulphure, Tartaro, peste, Carduo Angelico, alijsq; posteritati consecravimus? Propter errores non reijcimus Aristotelem: propter impietatem non dam-



Fol. 43.

damnamus Porphyrium, cur Germanum nostrum propter utrumq; reſcere & odiſſe cupimus? Parum fuiſſet eximia, pulchra, vtiliaq; ſcripſiſſe niſi curatione ſalici hanc gloriam Epitaphij ſui Saluburgici conſecutus fuiſſet. Conditur hic Philippus Theophraſtus inſignis medicinæ Doctor, qui dira illa vulnera, leprâ, Podagram & Hydropyſim, aliaq; inſanabilia corporis contagia mirifica arte ſuſtulit. Ex his ſatî cognoscere poteſtis, Auditores, innocentiam artis Chymicæ, vtilitatem & neceſſitatem: ſatis intelligere quod Chymicus non ſit medicus ſed miniſter, quod Hippocratica doctrina non repugnet, ſed obediat, deniq; quod artem medicorum ſuo cultu & nitore exornet & nobilitet. Sed ne putetis me nouum Profeſſorem, nouam doctrinam in hac veteri ſchola docere vellet, audite præceptû, quod Clariff. & Expertiſſ. D. Holtzæmius Med. Profeſſor veteranus, & Collega meus honorandus in Eſſentia Hellebori extracta his verbis mea opinioni conſentaneis propoſuit: Spagyricis Rationalium medicorum inuentis, quia iucundè curant, cum ratione vratur. Videtis quod vſum ſuadeat propter iucundam curationem: diſſuadeat abuſum, quem paſſim deſtillatores, Agyræ, aliq; rerum medicarum coqui committunt, qui ſine ratione, id eſt, doctrina Hippocratica hæc ſacra medicamenta in vſum ducunt. Hic quoq; Chymicorum Laudanum inculpatum remedium eſſe confitetur: Hic Chymicorum ſtudium & operâ prædicat, quod pharmaceuticam medicinae

Fol. 24.

Fol. 2.



næ partem eleganti medicamentorum in-  
 uentione & præparatione auxerint & di-  
 tauerint: Si quid igitur meæ preces (ut incipiam  
 concludere) apud vos Studiosi medicinae Orna-  
 tissimi valeant, consilium vtriusq; Professoris se-  
 quamini, & Hippocraticam medicinam cum stu-  
 dio Chymico coniungite. Audistis enim doctrinam  
 sapientiss. nostri Præceptoris non anilibus expe-  
 rimentis, sed firmis demonstrationibus inniti: non  
 coniecturis dubijs, sed certis rationibus fulciri:  
 non lubricis opinionibus sed solidis axiomatibus  
 stabiliri. Audistis quantam nominis sui gloriam  
 venerandus senex sibi comparauerit: quanta cum  
 laude successerit filius, quantos honores & diui-  
 tias à Regibus & Principibus Hippocratica poste-  
 ritas consecuta sit. Cauete vobis à bullatis Do-  
 ctoribus, à Thraconicis medicis, à Circulatoribus  
 nequissimis, qui mellita oratione plebem inescant  
 & facto dilaniant. Cauete ab insidijs, quas Cli-  
 nica mulieres, à technis quas indoctæ Moniales, à  
 doli quos egrotantium ministri artificibus stru-  
 unt. Vtinam artis honestas nō conspurcetur ab  
 ipsis Magistris, quam sanctam, inuiolatamq; ser-  
 uare debebant. Sed proh Deum immortalem ve-  
 rè cum Poëta licet dicere  
 Mistaq; cum veris passim commenta vagatur, Ouidius,  
 Millia.

Nunc Medici honorati in sordidos Vroscopos,  
 qui vulgi supercilio & opinione tanto peritiores  
 sunt, quanto fortunatiores in diuinando ex in-  
 specto lotio, artifices in superstitiosos homines,  
 Magistri in execrabiles Magos sunt conuersi.

Mini-



Ministri suis Dominis meliores esse noluerunt:  
 hinc Pharmacopaeus incepit artis nostrae imperi-  
 tus medicinā exercere: succedanea medicamenta  
 porrigere, emedullata vendere, cōposita non mu-  
 tare; hinc Pseudochymicus aurum putabile, pro  
 potabili, Antimonium crudum pro vera medici-  
 na, Mercurium pro salutarī remedio plebi obtru-  
 dere non reformidauit. His malis o viri consula-  
 res tempestiuē occurrere, pestem hanc Reip. e me-  
 dio tollite, miseros ciues à tyrannide occulti à li-  
 berate. Non de diuitijs hic agitur sed de vi à qua  
 nihil carius homini esse potest: non de furibus ne-  
 gotium est, qui bona ciuium deripiunt, sed de la-  
 tronibus qui clandestino scelere homines occi-  
 dunt. Conseruate splendorem artis Chymicae:  
 Cultores eius vestra auctoritate protegite, nec  
 patiamini caeleste illud donum passim contemni,  
 illudi, despici. Sequamur omnes Rationem &  
 Experientiam dicamusq,

Matthias  
 Vaserus.

Dogmata non iuro in Paracelsi, aut Scita Ga-  
 leni  
 Vera vtriusq; placent, falsa vtriusq; iacēt.


D I X I.

Laus sit Deo & B. Mariæ sem-  
 per Virgini.



nostrum:  
officium  
medicamentum  
ita non mu-  
tabile, pro  
utramque  
pluribus  
unum con-  
fite-  
re. Repre-  
sentat li-  
berum qua-  
litate  
fuerit ne-  
cessitate  
Chymica  
que, nec  
contemni,  
tamen  
Ga-  
liac.







Coll. Brough 12  
G.